

POMOĆ STUDENATA ODSJEKA ZA GEODEZIJU GRAĐEVINSKOG FAKULTETA U SARAJEVU STANOVNIŠTVU STRADALOM U POPLAVAMA 2014

Studenti Odsjeka za geodeziju Građevinskog fakulteta u Sarajevu bili su među prvim dobrovoljcima angažovani na poplavnim područjima u Bosni i Hercegovini. Sredinom maja 2014. godine Bosnu i Hercegovinu, Srbiju i Hrvatsku pogodile se nezapamćene prirodne nepogode. U pojedinim predjelima Bosne i Hercegovine u samo četrdeset i osam sati palo je približno 150 l/m² kiše, što se nije dogodilo od početka evidentiranja padavina na teritoriji Bosne i Hercegovine.

Asocijacija Studenta Građevinskog fakulteta Univerziteta u Sarajevu u saradnji sa Studentskim parlamentom Univerziteta u Sarajevu reagovala je veoma brzo, tako da je na poplavnim područjima znalo biti i do 600 studenta sa svih fakulteta Univerziteta u Sarajevu. Poplavna područja koja su studenti čistili bila su: Maglaj, Zavidovići, a studenti su volontirali i u Sarajevu. U krugu Katoličkog školskog centra na Stupu (Sarajevo) pristizale su velike količine pomoći iz svih krajeva Bosne i Hercegovine, kao pomoć svim unesrećenim ljudima širom Bosne i Hercegovine. Studenti sa Odsjeka za geodeziju Građevinskog fakulteta u Sarajevu učestvovali su u akciji sortiranja svih neophodnih potrepština namijenjenih za pomoć.



Alija Žutić, Muhamed Hajrulahović